

Gobierno di MEP a negligha di trece un solucion

HOSPITAL DEN UN SITUACION FINANCIERO HOPI SERIO

ORANJESTAD(AAN) -- Ministro di Turismo y Asuntan Economico, Tico Croes, a duna un splicacion encuanto e aprobacion temporal di Departamento di Asuntan Economico pa un aumento di tarifa.

E mandatario a muestra e protocol cu a worde firma dia 7 di April 1992 entre e gobierno anterior y hospital y ABV. Den e protocol aki clausula 4 ta bisa cu dentro di un luna despues esta 7 di Mei

1992, mester a bin un investigacion pa bin cu un plan pa sanea e situacion financiero serio di hospital.

Den clausula 6 di e protocol, gobierno ta garantiza cu constantemente lo compensa tur perdida cu hospital por tin. E mandatario a indica cu desde 1992 te cu Maart 1996, NINGUN investigacion a tuma lugar.

Pakico ningun investigacion a tuma lugar, Dios lo sa. E consecuencia ta cu

hospital enberdad ta den un situacion financiero sumamente precario y esaki tabata biniendo caba desde 1992 pero gobierno Oduber no a haci net nada pa sanea e situacion aki.

Na 1992, gobierno Oduber a bay di acuerdo cu un aumento di 24 % pero no a cumpli cu e serie di condicionnan cu e aumento a bay

mara na dje entre otro pa haci un investigacion pa bin cu un plan pa sanea e situacion financiero di hospital.

E mandatario a indica cu aña pasa hospital a bati alarma cerca gobierno y a keda discuti e problema te cu porfin investigacionnan a cuminsa na Maart.

Awor mester warda ariba e resultado di e investigacion

aki pa mira kico lo bay haci pa e futuro di nos hospital. Ministro Croes a muestra cu a base di e protocol firma na 1992, gobierno tin un responsabilidad y obligacion di cumpli cune na momento cu hospital haye den un situacion financiero preta y actualmente hospital ta den un situacion financiero hopi preta.

Originalmente mester a trece nan Aruba...

TANKERO A RESCATA 4 HENDE DI UN YATE CU A ZINK

ORANJESTAD (AAN): "Nan a scapa na wowo di angua," tabata e prome informe cu DIARIO a ricibi.

Segun informe un yate cu lo a pasa den basta mal tempo den Laman Caribe, a bira asina instabil cu e tripulacion a haya nan mes obliga di manda señalnan di S.O.S., cual lo a wordo capta pa Centro di Rescate na Miami.

Mesora contacto a worde tuma cu e barconan cu ta mas cerca di e yate cu ta nabega bao di e nomber "Cumbria" procedente di Canada. Na momento cu e señalnan a worde capta e Yate tabata den vecindario di Jamaica. E tanquero Nord Jahre President, cu tabata riba su ruta pa Aruba, a yega rapido pa duna asistencia. Nan a logra di rescata e 4 personanan na un distancia di 130 miya, altura di New Bank Reef pazuid di Jamaica.

E caso aki a tuma lugar riba 19 di Maart cu a pasa.

Mientras tanto e yate "Cumbria" cu ta nabega bao bandera British Columbia,

Canada a bay fondo cu tur su pertenencia.

Den curso di ayeramainta e tanquero tabata den cercania di Aruba, y e plan original ta pa trece e tripulacion Canadenses aki.

Aki na Aruba segun informe e agencia Bill Black lo a worde notifica di e sucedido y e tramitanan a cuminsa worde haci pa atende e 4 tripulante di nacionalidad Canadenses.

Segun informe cual cu DIARIO por a capta ta trata di dos muher y dos homber.

Famianan lo a worde notifica di e caso aki y ya nan ta rumbo pa Aruba. Ta trata di Kenneth McKenzie di 39 aña di edad, Tamblinne Dawn di 32 aña di edad, Alexander Ernst di 32 aña y Pamela Pleigh di 30 aña.

Na ultimo ora segun cu por a capta e informe, e tanquero lo cambia ruta pa "La Calinas" Venezuela, caminda e lo mester busca carga, pa cual posiblemente autoridadnan Venezolano lo atende e 4 tripulantenan.

pasa tur dia den amargura, cu nan pañanan no por worde colga na cabuya pasobra stof di cement ta bula henter dia riba nan cas.

E escandalo di stof lo bay lanta mas stof cu solamente stof di cement y kalki, pasobra habitantenan di barionan di Santa Martha, Seroc di Biento, Wayaca, Mahuma, Papilon y Simcon Antonio no ta dispuesto pa baha cabezas.

Comision pa scoge candidato lo sinta awe:

PRONTO OFICINA DI LABOR LO CONTA CU DIRECTOR DI NOBO!

ORANJESTAD (AAN) -- Durante un conversacion cu DIARIO a sostene cu Ministro Eddy Croes, como titular di Labor, a aborda e tema "Oficina di Labor" ya cu den e ultimo dianan por a scucha diferente reaccion di algun persona cu no ta sinti cu e servicio a mehora dje tanto ey.

Ministro Eddy Croes ta señala cu e proceso di reorganizacion ta sigui tuma lugar den dicho departamento, unda cu e meta ta pa logra un mehoracion total den e servicio. Parti di esaki ta e nombramento di un director

nobo.

E titular di Labor ta indica cu awe lo sinta un comision apart, cual ta bay conversa cu varios persona cu a solicita pa e cargo, y door di e entrevistanan aki e comision lo duna ministro su conseho. Na final Ministro ta esun cu ta bay firma a base di conseho, pero e no ta interveni den e trabao di e comision.

E comision ta consisti di e hefe di Organizacion di Personal di Gobierno, e hefe di PBR, y un coordinador di ministro mes.

Nan tres ta bay sinta discuti

tocante e solicitantenan, y finalmente ministro lo haya number di candidato #1, #2 y #3.

Tur solicitante ta personanan bon califica y capaz di dirigi Oficina di Labor, unda cu e persona apunta como promer candidato lo ta esun cu ta reuni e mehor requisitonan.

Esey lo nifica cu e reorganizacion na Departamento di Labor lo sigui mas fuerte, y lo trece como resultado un cambio considerable.

"Mi ta spera cu aki un aña di tempo nos ta bay mira e frutonan positivo di e reorganizacion aki".



E conocido presentador di television arubano Tito Lacle recientemente a pasa seis siman na Atlanta, Merca den e compania CNN unda el a sigui un curso pa traha reportahenan cortico pa television. E curso a wordo organiza pa CNN mes y pa un grupo chiquito di periodista di rond mundo, entre nan e Arubiano Tito Lacle. Riba e portret por mira Tito hunto cu doño di entre otro Atlanta Braves Baseball Club y di CNN, Ted Turner

Cont pag. 2

cu pueblo di Aruba hamas y nunca por accepta.

Esnan cu participa den e marcha, lo subi riba Seroc di Canashito pa asina nan por wak con azeta, asfalt, concret a worde basha den naturalesa y con matanan ta tapa cu stof di cement.

Solaridad ta worde pidi di tur ama di cas cu tambe ta